



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrisani lokalni razvoj
i društvene djelatnosti**



Vogošća, ul. Jošanička br. 80, tel: 00387 33 586-420 i 586-422

Broj: 03-36-745/26
Vogošća, 15.04.2026. godine

Na osnovu člana 71. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), člana 13. Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj 2/26) Odluke o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik objavljuje:

JAVNI POZIV za sufinansiranje odlaska mladih sportista sa područja Općine Vogošća na Internacionalna takmičenja

I OPIS PROGRAMA

Ovaj program planiran je u okviru Strategije razvoja Općine Vogošća i to:

- Strateški cilj 2.- Unaprijediti društveni život stanovništva stvaranjem uslova za društveno-ekonomski rast, dostupnost i visok kvalitet svih javnih servisa;
- Prioritet 2.1. – Unaprijediti razvoj kulture i sporta;
- Mjera 2.1.2. – razvoj sportskih i kulturnih sadržaja.

U cilju ostvarivanja javnog interesa iz oblasti sporta, podsticanje sportskog razvoja, vrhunskih rezultata i promocije sporta kao važnog segmenta društvenog razvoja, Općina Vogošća planirala je sredstva u Budžetu Općine Vogošća za 2026. godinu za odlazak na Internacionalna takmičenja u visini od 10.000,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti privrednih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOŽE OSTVARITI:

Pravo na dodjelu sredstava iz ovog granta mogu ostvariti sportisti uz ispunjavanje sljedećih uslova:

- a) Da je državljanin Bosne i Hercegovine;
- b) Da ima prebivalište na području općine Vogošća u trajanju od minimalno godinu dana do dana podnošenja zahtjeva;
- c) Starosne dobi od 15 do 25 godina;
- d) Aktivno učestvuj u trenažnim i takmičarskim procesima.

III TRAJANJE JAVNOG POZIVA

Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstava za ovu namjenu.

Zahtjeve za ostvarivanje prava podnose roditelji/staratelji (za maloljetne korisnike) i sportisti na propisanom obrascu, a koji je sastavni dio Javnog poziva u rokovima predviđenim ovim Javnim pozivom.

IV POTREBNA DOKUMENTACIJA:

Uz zahtjev su kandidati dužni dostaviti sljedeće dokumente (original ili ovjerene kopije):

- a) Uvjerenje o državljanstvu,
- b) Uvjerenje o kretanju za sportistu;
- c) Potvrda kluba da je sportista aktivan član;
- d) Dokaz o učešću na takmičenju izdat od strane organizatora takmičenja, matičnog kluba ili sportskog saveza – potvrda ili uvjerenje
- e) Dokaz da troškove odlaska na sportsko takmičenje u cjelosti ne snosi organizator takmičenja, matični klub, sportski savez, drugi nivoi vlasti ili sportski sponzori – potvrda, uvjerenje ili izjava podnosioca zahtjeva;
- f) Pregled troškova odlaska na takmičenje potpisan od strane podnosioca zahtjeva;
- g) Potvrda o otvorenom računu u banci.

V NAČIN DODJELE NOVČANIH SREDSTAVA

- 1) Zahtjevi se dostavljaju Službi za privredu, integrisani lokalni razvoj i društvene djelatnosti (u daljem tekstu: Služba) putem protokola Općine i putem pošte, najkasnije 10 (deset) dana prije odlaska na takmičenje.
- 2) Služba će u roku od 7 (sedam) dana od dana prijema zahtjeva utvrditi da li su ispunjeni kriteriji za dodjelu sredstava, te obavijestiti podnosioca zahtjeva.
- 3) Na obavijest iz stava (5) ovog člana kandidati mogu u roku od 8 (osam) dana od dana prijema iste, podnijeti pismeni prigovor Komisiji.
- 4) Komisiju iz stava (6) ovog člana imenuje Općinski načelnik iz reda državnih službenika.
- 5) Odluku o prigovoru, Komisija će donijeti u istom roku, računajući od dana njegovog podnošenja.

Novčana sredstva za odlazak na internacionalno takmičenje isplaćuje se putem Službe za budžet i finansije, a na osnovu Zaključka općinskog Načelnika o odobrenju sredstava.

VI IZNOS SREDSTVA

U skladu sa ovim Pravilnikom sredstva će se dodjeljivati za sufinansiranje troškova prevoza, smještaja sportista, plaćanje troškova kotizacije za takmičenje, plaćanje troškova vize i/ili za troškove ishrane sportiste u vrijeme trajanja takmičenja.

Sredstva iz stava (1) ovog člana dodjeljivat će se jednom u toku kalendarske godine, na sljedeći način:

- a) U neto iznosu 200,00 KM za odlazak na takmičenja u zemlje regiona (Crna Gora, Srbija, Kosovo, Albanija, Sjeverna Makedonija, Hrvatska i Slovenija);
- b) U neto iznosu 400,00 KM na odlazak takmičenja u ostale zemlje Europe;
- c) U neto iznosu 700,00 KM na odlazak takmičenja u druge zemlje, a koje nisu definisane stavovima a) i b) ovog člana.

Ukoliko je iznos aktivnosti manji od iznosa navedenih u stavu (2) ovog člana, Općina će finansirati stvarne troškove aktivnosti.

VII NAČIN PODNOŠENJA ZAHTJEVA

Zahtjev sa dokumentacijom se podnosi Službi za privredu, integrisani lokalni razvoj i društvene djelatnosti na protokol Općine Vogošća, ulica Jošanička 80 ili putem pošte.

Za sve dodatne informacije korisnici mogu pozvati broj telefona 033/586-414 ili poslati upit na mail: emir.dragolj@vogosca.ba.

OPĆINSKI NAČELNIK

Migdad Hasanović